



“UzGasTrade” АЖ

**“UzGasTrade” акциядорлик жамияти кузатув
кенгаши ҳузуридаги Коррупцияга қарши
курашиш ва этика қўмитасининг
2026 йил 16 февралда бўлиб ўтган йиғилиш
баённомаси ва унга илова қилинган
хужжатлар**



UzGasTrade

100007, Toshkent sh., Mirzo Ulug'bek t.,
Mirzo Ulug'bek ko'chasi 32-a uy.

Tel.: (+99855) 506-05-06

www.uzgastrade.uz,

info@uzgastrade.uz,

uzgastrade@exat.uz

01-19-403/2 -son
2026 yil « 19 » феврал

“UzAssets” АЖ

Бошқарув раиси,

“UzGasTrade” АЖ

**Кузатув кенгаши ҳузуридаги
Коррупцияга қарши курашиш
ва этика қўмита аъзоси
Б.Қ.Абдиназаровга**

Жамият Кузатув кенгаши мажлисининг 2024 йил 18 январдаги қарори билан “UzGasTrade” АЖ Кузатув кенгашининг Коррупцияга қарши курашиш ва этика қўмитаси тўғрисида”ги Низом талабларига асосан, Жамиятда коррупцияга қарши курашиш тизимини мониторинг ва назорат қилади.

Юқоридагиларни инобатга олган ҳолда, “UzGasTrade” АЖ Кузатув кенгаши ҳузуридаги Коррупцияга қарши курашиш ва этика қўмитасининг 2026 йил 16 февраль куни соат 15:30 да йиғилиши бўлиб ўтди ва кун тартибидаги масала юзасидан қўмита аъзолари томонидан тегишли қарорлар қабул қилинди.

Юқоридагиларни инобатга олган ҳолда, “UzGasTrade” АЖ Кузатув кенгаши ҳузуридаги Коррупцияга қарши курашиш ва этика қўмитасининг 2026 йил 16 февралдаги йиғилиш баённомаси имзолаш учун юборилмоқда (*Қўмита йиғилиш баённомаси ва унга илова қилинган ҳужжатлар илова қилинади*).

Илова: 19

Хурмат билан,

Бошқарув раиси

А.Т.Агзамов



UzGasTrade

100007, Toshkent sh., Mirzo Ulug'bek t.,
Mirzo Ulug'bek ko'chasi 32-a uy.

Tel.: (+99855) 506-05-06

www.uzgastrade.uz,

info@uzgastrade.uz,

uzgastrade@exat.uz

01-19-403/1 -son
2026 yil « 19 » феврал

Ўзбекистон Республикаси
Энергетика вазирининг ўринбосари,
“UzGasTrade” АЖ
Кузатув кенгаши ҳузуридаги
Коррупцияга қарши курашиш
ва этика қўмита аъзоси
А.О.Қобилов

Жамият Кузатув кенгаши мажлисининг 2024 йил 18 январдаги қарори билан “UzGasTrade” АЖ Кузатув кенгашининг Коррупцияга қарши курашиш ва этика қўмитаси тўғрисида”ги Низом талабларига асосан, Жамиятда коррупцияга қарши курашиш тизимини мониторинг ва назорат қилади.

Юқоридагиларни инобатга олган ҳолда, “UzGasTrade” АЖ Кузатув кенгаши ҳузуридаги Коррупцияга қарши курашиш ва этика қўмитасининг 2026 йил 16 февраль кuni соат 15:30 да йиғилиши бўлиб ўтди ва кун тартибидаги масала юзасидан қўмита аъзолари томонидан тегишли қарорлар қабул қилинди.

Юқоридагиларни инобатга олган ҳолда, “UzGasTrade” АЖ Кузатув кенгаши ҳузуридаги Коррупцияга қарши курашиш ва этика қўмитасининг 2026 йил 16 февралдаги йиғилиш баённомаси имзолаш учун юборилмоқда (*Қўмита йиғилиш баённомаси ва унга илова қилинган ҳужжатлар илова қилинади*).

Илова: 19

Хурмат билан,

Бошқарув раиси

А.Т.Агзамов



“UZGASTRADE”
АКЦИЯДОРЛИК ЖАМИЯТИ

“UZGASTRADE” АКЦИЯДОРЛИК ЖАМИЯТИ КУЗАТУВ КЕНГАШИ
ЎЗУРИДАГИ КОРРУПЦИЯГА ҚАРШИ КУРАШИШ ВА ЭТИКА
ҚЎМИТАСИНИНГ ЙИҒИЛИШ

2026 йил 16 февраль
соат 15:30

№ 1 Тошкент шаҳри, Мирзо Улуғбек
тумани, Мирзо Улуғбек кўчаси
32а уй

Қатнашдилар:

Қўмита аъзолари:

Қатнашмади:

Кворум:

Қобилов Азизхўжа Очилович

Абдиназаров Бобур Қаландарович

Норкулов Илхом Иброхимович

66,6 фоиз

Мажлисга таклиф этилганлар:

А.Т.Агзамов – “UzGasTrade” АЖ Бошқарув раиси

Р.Э.Туляганов - “UzGasTrade” АЖ Бошқарув раисининг биринчи ўринбосари.

С.К.Мирзамойдинов - Комплаенс назорат бўлими бошлиғи (йиғилиши котиб).

Йиғилишда Норкулов Илхом Иброхимович қатнаша олмаганликлари сабабли, йиғилишда Қобилов Азизхўжа Очилович раислик қилди.

“UzGasTrade” АЖ Кузатув кенгаши мажлисининг 2024 йил 18 январдаги қарори билан тасдиқланган “UzGasTrade” АЖ Кузатув кенгашининг Коррупцияга қарши курашиш ва этика қўмитаси тўғрисида”ги Низомининг 31-бандига асосан, Қўмита йиғилишининг кворуми унинг миқдорий таркибининг 2/3 қисмини ташкил этади.

Шунга кўра, Қўмита йиғилиши аъзоси Б.Абдиназаров сўзга чиқиб, мазкур йиғилишда қўмитанинг барча сайланган аъзоларининг 2/3 қисми иштирок этаётганлигини, йиғилиш кворуми 66,6 фоизни ташкил этишини ва йиғилиш ўтказиш учун кворум мавжудлигини айтиб ўтди.

Шунингдек, йиғилиш аъзоси Б.Абдиназаров томонидан “UzGasTrade” АЖ Кузатув кенгашининг Коррупцияга қарши курашиш ва этика қўмитаси тўғрисидаги Низомнинг 25-бандига асосан, Қўмита йиғилиши котиби этиб “UzGasTrade” АЖ Комплаенс-назорат бўлими бошлиғи С. Мирзамўйдинов номзоди таклиф этилди.

Қўмита йиғилиши очик деб эълон қилинди ҳамда йиғилиш кун тартибини тасдиқлаш, уларнинг муҳокамасига ўтиш таклифи киритилди.

Таклиф Қўмита аъзолари томонидан бир овоздан маъқулланди.

КУН ТАРТИБИ:

1. “UzGasTrade” АЖ коррупцияга қарши курашиш ва комплаенс тизими соҳасидаги Сиёсатини кўриб чиқиш тўғрисида.

КУН ТАРТИБИНИНГ МУҲОКАМАСИ

Кун тартибидаги масала юзасидан:

Кун тартибидаги масала юзасидан “UzGasTrade” АЖ Комплаенс назорат бўлими бошлиғи С. Мирзамўйдинов сўзга чиқиб қуйидагиларни маълум қилди:

“UzGasTrade” АЖ комплаенс назорат бўлими Ўзбекстон Республикаси Президентининг коррупцияга қарши курашиш бўйича қабул қилинган Қарор ва Фармонлар, Коррупцияга қарши курашиш Агентлиги томонидан юборилган кўрсатмалар ва ички идоравий норматив ҳужжатлар асосида ўз фаолиятини амалга ошириб келмоқда.

Ҳозирги кунда “UzGasTrade” АЖни ISO 37001:2016 “Коррупцияга қарши курашиш менежменти тизими” халқаро стандарти талабларига мувофиқ сертификатлашга тайёрлаш доирасида, Жамиятда бошқарув органи мавжуд бўлган тақдирда, у коррупцияга қарши курашиш менежменти тизимига нисбатан етакчилик ва содиқликни қуйидагилар орқали намоён этиши лозим:

- а) коррупцияга қарши сиёсатни тасдиқлаш;
- б) ташкилот стратегияси ва коррупцияга қарши сиёсатнинг ўзаро уйғунлигини таъминлаш;
- с) белгиланган вақт оралиғида ташкилотнинг коррупцияга қарши курашиш менежменти тизимининг ҳолати ва фаолияти тўғрисидаги ахборотни олиш ҳамда таҳлил қилиш;
- д) коррупцияга қарши курашиш менежменти тизимининг самарали фаолият юритиши учун зарур бўлган етарли ва мос ресурсларни ажратиш ҳамда тайинлашни таъминлаш;
- е) ташкилотда коррупцияга қарши курашиш менежменти тизимини жорий этиш ва унинг самарадорлиги устидан олий раҳбарият томонидан тегишли назоратни амалга ошириш.

“UzGasTrade” АЖ Кузатув кенгаши мажлисининг 2024 йил “18” январдаги 2-сон баённома қарори билан тасдиқланган “UzGasTrade” АЖ Кузатув кенгашининг Коррупцияга қарши курашиш ва этика қўмитаси тўғрисидаги низомнинг 8 бандига асосан Жамиятда коррупцияга қарши курашиш юзасидан тегишли ички ҳужжатларни кўриб чиқиш ва тасдиқлаш Қўмитанинг асосий вазифа ва функцияларига кириши белгиланган.

Шу муносабат билан, Комплаенс назорат бўлим бошлиғи С.Мирзамойдинов жамиятда “UzGasTrade” АЖнинг коррупцияга қарши курашиш сиёсати ва комплаенс тизимини жорий этишни таклиф қилди.

Мажлис иштирокчилари томонидан кун тартибидаги масала юзасидан қуйидаги қарор матни овозга қўйилди:

1. “UzGasTrade” АЖнинг коррупцияга қарши курашиш сиёсати ва комплаенс тизими жорий этиш бўйича амалга оширилган ишлар маълумот учун қабул қилинсин.

2. “UzGasTrade” АЖ коррупцияга қарши курашиш ва комплаенс тизими соҳасидаги Сиёсати тасдиқлансин.

3. Мазкур қарор ижросини таъминлаш “UzGasTrade” АЖ Бошқарув раиси (А.Т.Агзамов) зиммасига юклатилсин.

Овоз бериш натижалари:

Тарафдор – 2 та овоз, **Қарши** – 0 та овоз, **Бетараф** – 0 та овоз.

Юқорида баён этилганларни инобатга олиб, “UzGasTrade” АЖ Кузатув кенгашининг Коррупцияга қарши курашиш ва этика қўмитаси

Қ А Р О Р Қ И Л А Д И:

Кун тартибидаги масала юзасидан:

1. “UzGasTrade” АЖнинг коррупцияга қарши курашиш сиёсати ва комплаенс тизими жорий этиш бўйича амалга оширилган ишлар маълумот учун қабул қилинсин.

2. “UzGasTrade” АЖ коррупцияга қарши курашиш ва комплаенс тизими соҳасидаги Сиёсати тасдиқлансин.

3. Мазкур қарор ижросини таъминлаш “UzGasTrade” АЖ Бошқарув раиси (А.Т.Агзамов) зиммасига юклатилсин.

Кун тартибидаги барча масалалар бўйича қабул қилинган қарорлар эълон қилинганидан сўнг, Қўмита раиси йиғилишни ёпиқ деб эълон қилди.

Қўмита раиси



А.О.Қобилов

Қўмита аъзолари:




Б.Қ.Абдиназаров

Йиғилиш котиби



С.К.Мирзамўйдинов

Ушбу йиғилиш баёни
2026 йил “ ” _____ имзоланди.



“UzGasTrade” АЖНИНГ КОРРУПЦИЯГА ҚАРШИ КУРАШИШ СИЁСАТИ ВА КОМПЛАЕНС ТИЗИМИ

1 МАҚСАД

“UzGasTrade” акциядорлик жамиятининг Коррупцияга қарши курашиш Сиёсати ва комплаенс тизими (кейинги ўринларда - Сиёсат) ходимлар орасида ҳамда жамиятда коррупцияга қарши курашиш маданияти даражасини ошириш мақсадида “UzGasTrade” акциядорлик жамиятининг (кейинги ўринларда - Жамият) юқори ахлоқий меъёрларга содиқлигини, шунингдек, Жамият ходимлари фаолиятида коррупциявий ҳуқуқбузарликларга муросасизлик ва уларни содир этишга йўл қўймасликни акс эттиради.

Ушбу Сиёсат “Коррупцияга қарши курашиш менежменти тизимлари – Фойдаланиш бўйича талаблар ва тавсиялар” ISO 37001:2016 халқаро стандарти талабларини инобатга олган ҳолда коррупцияга қарши курашиш бўйича халқаро ташкилотлар тавсиялари ва етакчи халқаро амалиёт асосида Ўзбекистон Республикасининг қонун ҳужжатлари талабларига мувофиқ ишлаб чиқилган.

Сиёсатнинг мақсади - Жамиятда коррупциянинг олдини олиш ва коррупцияга қарши курашиш бўйича барча **қонунчилик талабларига риоя этиш бўйича ишларни ташкил этишга ягона ёндашувни шакллантиришдан иборат.**

2 ҚЎЛЛАНИШ СОҲАСИ

Мазкур Сиёсат Жамият ходимлари томонидан қатъий ва сўзсиз амал қилиниши мажбурий бўлган ҳужжат ҳисобланади. Коррупцияга қарши курашиш ва комплаенс менежмент тизими марказий аппаратга “UzGasTrade” татбиқ этилади.

3 ҲАВОЛАЛАР

Мазкур Сиёсат Ўзбекистон Республикасининг қуйидаги норматив ҳужжатларидаги таъйинлар ва меъёрлар ҳамда менежмент тизимларининг халқаро стандартларига мувофиқ ишлаб чиқилган:

Ўзбекистон Республикасининг Жиноят кодекси;

Ўзбекистон Республикасининг Маъмурий жавобгарлик тўғрисидаги кодекси;

Ўзбекистон Республикасининг “Коррупцияга қарши курашиш тўғрисида” 2017 йил 3 январдаги 419-сон Қонуни;

ISO 37001:2016 “Коррупцияга қарши курашиш менежменти тизимлари - Фойдаланиш бўйича талаблар ва тавсиялар”;

ISO 37301:2021 «Комплаенс-менежмент тизими. Талаблар ва уларни қўллаш бўйича қўлланма»

4 ЖАВОБГАРЛИК

Жамият раҳбарлари ҳамда ходимлари, эгаллаб турган лавозимидан қатъий назар мазкур Сиёсатга қатъий ва сўзсиз амал қилиши ҳамда белгиланган талабларининг бажарилиши учун шахсан жавобгардирлар.

Жамиятнинг Коррупцияга қарши курашиш Сиёсати талаблари бузилишида айбдор бўлган ходимлар Ўзбекистон Республикаси қонунчилигида белгиланган тартибда ва асосларда интизомий, маъмурий ёки жиноий жавобгарликка тортиладилар!

5 УМУМЙЙ ҚОИДАЛАР

5.1 Коррупцияга қарши курашиш тизими бошқаруви Жамият фаолиятига қаратилган бўлиб, Жамият ходимлари ушбу Сиёсатни фаолиятнинг аҳамиятини ҳисобга олган ҳолда қабул қилишлари, коррупцияга қарши курашиш механизмларини, мавжуд бўлган коррупция хавфи, тажрибаси ва мавжуд манбалари асосида ишлаб чиқишлари ва амалга оширишлари лозим.

5.2 Жамиятнинг коррупцияга қарши курашишнинг асосий мақсадлари қуйидагилар ҳисобланади:

- Жамиятда коррупцияни тубдан йўқотишга эришиш;
- ишчи ходимларнинг ҳуқуқий онги ва ҳуқуқий маданиятини ошириш, Жамиятда коррупцияга нисбатан тоқатсиз муносабатни шакллантириш;
- Жамият фаолиятининг барча соҳаларида коррупцияни олдини олиш бўйича чора-тадбирларни амалга ошириш;
- коррупциявий ҳуқуқбузарликларни ўз вақтида аниқлаш, уларга барҳам бериш, уларнинг оқибатлари, уларга олиб келувчи сабаблар ва шарт-шароитларни бартараф этиш, коррупциявий ҳуқуқбузарликларни содир этганлик учун жавобгарликнинг муқаррарлиги тамойилини таъминлаш.

5.3 Ушбу Сиёсат Жамиятнинг ички ҳужжати сифатида юқорида кўрсатилган асосий мақсадларга эришиш учун Жамият фаолиятида коррупция билан боғлиқ ҳуқуқбузарликларни профилактика қилиш ва уларга барҳам беришга қаратилган асосий талаблар ва тамойилларни белгилаб берувчи асос ҳисобланади.

5.4 Мазкур Сиёсатнинг талаблари, эгаллаб турган лавозими ва бажарадиган вазифа ва функцияларидан қатъий назар Жамият билан меҳнат муносабатларида бўлган барча ходимларга тадбиқ этилади.

5.5 Жамиятга ишга қабул қилинаётган ҳар қандай шахс ушбу Сиёсат билан имзо қўйган ҳолда танишишга ҳамда унинг қоидаларига сўзсиз ва қатъий риоя қилишга мажбур!

6 АТАМАЛАР ВА ТАЪРИФЛАР

Мазкур Сиёсат мақсадларида қуйидаги асосий тушунчалар ва атамалар мос таърифлари билан қўлланилган:

6.1 **Алоқадор шахслар** - ходим билан тижорат ташкилотларининг устав капиталида иштирок этадиган шахслар (акциялари Республика фонд биржасида оммавий муомалада бўлган акциядорлик жамиятларининг беш фоизидан кам бўлган миқдордаги акцияга эга эканлиги ҳолатлари бундан мустасно);

6.2 **Иш жараёнидаги меҳмондўстлик белгилари** - Жамият ходимлари манфаатларида фаолият давомида ҳамкорлик ўрнатиш ва (ёки) қўллаб-қувватлашга алоқадор ҳаражатлар, шу жумладан, ишбилармонлик билан боғлиқ кечки овқат, транспорт ва яшаш ҳаражатларини қоплаш билан боғлиқ ҳаражатлар ва ҳ.к.;

6.3 **Коррупцияга қарши курашиш талаблари бузилганлиги тўғрисида виждонан хабар бериш** - Жамият ходими томонидан коррупциявий ҳуқуқбузарлик содир этилганлиги (содир этишга суиқасд қилинганлиги) тўғрисида рухсат этилган алоқа каналлари орқали асослилигига ишонч ҳосил қилган ҳолда йўллаган мурожаат;

6.4 **Контрагент (шартномавий шерик)** - Жамият билан шартномавий муносабатларга (меҳнат муносабатлари бундан мустасно) киришган ҳар қандай юридик ёки жисмоний шахс;

6.5 **Коррупция** - шахснинг ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини кўзлаб моддий ёки номоддий наф олиш мақсадида, қонунга ҳилоф равишда фойдаланиши, худди шунингдек бундай нафни қонунга ҳилоф равишда тақдим этиш;

6.6 **Коррупциявий ҳаракатлар** - ходим томонидан пора берувчининг манфаатларини кўзлаб ҳаракат ёки ҳаракатсизлиги учун бевосита ёки билвосита, шахсан ёки учинчи шахслар орқали порани яъни пул, қимматбаҳо қоғозлар, бошқа мол-мулкни, мулкий тусдаги хизматларни, бошқа мулкий ҳуқуқларни олиш, талаб қилиш, тақлиф қилиш, ваъда қилиш ва бериш, шунингдек, пора бериш ва (ёки) олишда воситачилик қилиш, расмийтачиликларни соддалаштириш учун тўловларни олиш, ходим томонидан пора олиш ёки ҳуқуққа ҳилоф бошқа мақсадларда ўз хизмат мавқеидан ноқонуний фойдаланиш;

6.7 **Коррупцияга оид ҳуқуқбузарлик** - коррупция белгиларига эга

бўлган, содир этилганлиги учун қонун ҳужжатларида жавобгарлик назарда тутилган қилмиш;

6.8 Коррупцияга қарши курашиш тизими - қўлланиладиган амалдаги қонунчилик ва ички ҳужжатларни коррупциявий жиҳатдан бузилишини бартараф этиш, Жамият ходимлари томонидан юқори даражада касбий ва ахлоқий фаолият олиб боришларини таъминлаш бўйича чоратадбирлар мажмуи;

6.9 Коррупциявий хавф-хатар - Жамият ходимлари ёки учинчи шахслар томонидан Жамият номидан ва (ёки) уларнинг манфаатларини кўзлаб коррупциявий хатти-ҳаракатларни содир этиш эҳтимоли ва хавфи;

6.10 Манфаатлар тўқнашуви - Жамият ходимининг шахсий (бевосита ёки билвосита) манфаатдорлиги унинг хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда ходимнинг шахсий манфаатдорлиги билан Жамиятнинг ўртасида қарама-қаршилик юзага келаётган ёки юзага келиши мумкин бўлган вазият;

6.11 Расмийчиликни соддалаштириш учун тўловлар - белгиланган тартиб-таомиллар бажарилишини таъминлаш ёки тезлаштириш, тегишли қонунчилик, нормалар ва қоидаларда назарда тутилмаган ҳаракатлар содир этиш учун ғайриқонуний равишда бериладиган пул маблағлари, мол-мулк, мулкӣ ҳуқуқлар, хизматлар ва бошқа моддий ёки номоддий наф;

6.12 Ходимнинг шахсий манфаатдорлиги - Жамият ходими томонидан ўз хизмат вазифаларини бажариш чоғида унинг яқин қариндоши ёки ходимга алоқадор бўлган шахслар томонидан ходимнинг мансаб ёки хизмат мажбуриятларини лозим даражада бажаришига таъсир қилиши мумкин бўлган пул маблағлари, моддий ёки номоддий қимматликлар, бошқа мол-мулк, бойлик ва имтиёзлар кўринишида шахсий наф олиш имконияти (шахсий, ижтимоӣ, молиявий, сиёсий ва бошқа тижорат ёки нотижорат манфаатлари);

6.13 Ходим - Жамият билан меҳнат муносабатларига киришган шахс;

6.14 Яқин қариндошлар - ота-она, туғишган ва ўғай ака-укалар ҳамда опа-сингиллар, эр (хотин), фарзандлар, шу жумладан фарзандликка олинганлар, боболар, бувилар, неваралар, шунингдек эрнинг (хотиннинг) ота-онаси.

7 КОРРУПЦИЯГА ҚАРШИ КУРАШИШ ТИЗИМИНИНГ ЭЛЕМЕНТЛАРИ

7.1 Коррупцияга “мутлақо тоқатсизлик” тамойилига таянган ҳолда Жамиятнинг барча ходимларига коррупция билан боғлиқ ҳар қандай хатти-ҳаракатларда иштирок этиши, яъни пора берувчининг манфаатларини кўзлаб ҳаракат қилиши ёки ҳаракатсизлиги учун бевосита ёки билвосита, шахсан ёки учинчи шахслар орқали пора, яъни пуллар, қимматбаҳо қоғозлар, бошқа мол-

мулк, мулкӣ тусдаги хизматларни беришни талаб қилиш, товламачилик қилиш, ваъда бериш, пора бериш ва (ёки) олишда воситачилик қилиш, расмиятчиликларни соддалаштириш учун тўловларни олиш, шахс томонидан пора олиш ёхуд ғайриқонуний бошқа мақсадларда ўз хизмат мавқеидан ноқонуний фойдаланиши қатъиян тақиқланади.

Коррупцияга қарши курашиш сиёсати ходимлар ўртасида ҳар қандай порахўрлик урунишларини, коррупциянинг бошқа кўринишда намоён бўлишини **қатъиян ман этади** ҳамда ходимлар ўртасида масъулият ва онгни оширишга қаратилган.

Жамият коррупцияга қарши курашишни бошқариш тизими талабларига риоя этиш, уни доимий равишда такомиллаштириш чораларини кўриш мажбуриятини олади.

7.2 Қуйидагилар Жамият таркибий бўлинмаларида коррупцияга қарши курашиш тизимининг асосий элементлари ҳисобланади:

а) коррупцияга қарши курашиш бўйича асосий ички ҳужжатлар мавжудлиги, яъни таркибий бўлинмаларида коррупцияга қарши курашиш тизимининг асосини:

Жамиятнинг коррупцияга қарши курашиш Сиёсати;

Жамият ходимларининг одоб-ахлоқ қоидалари;

Жамият тизимида манфаатлар тўқнашувини бошқариш бўйича Низом;

Жамият тизимида коррупцияга қарши курашиш тизимининг ҳолати тўғрисидаги ҳисоботни шакллантириш ва тақдим этиш бўйича Низом;

Жамият тизимида алоқа каналлари орқали коррупциявий хатти-ҳаракатлар тўғрисида келиб тушган хабарларни қабул қилиш ва кўриб чиқиш Регламенти;

Жамият тизими ходимларининг коррупциявий хатти-ҳаракатлари ва одоб-ахлоқ қоидаларини бузиш ҳолатлари устидан хизмат текширувлари ўтказиш бўйича Регламент;

Жамият тизими ходимларининг этика ва коррупцияга қарши курашиш соҳасида ўқитилишини ташкил қилиш бўйича Йўриқнома;

Жамият тизимида контрагентларни текширишга оид Йўриқнома;

Жамият тизимида ишга қабул қилинаётган номзодларни текшириш бўйича Йўриқнома;

Жамият тизимида коррупциявий хавф-хатарларни баҳолаш Услубиёти;

Жамият тизимида коррупцияга қарши тартиб-таомилларнинг самарадорлигини мониторинг ва назорат қилиш Услубиёти ва бошқа шу каби ҳужжатларда акс эттирилган талаб ва тартиб-таомиллар ташкил этади.

б) коррупцияга қарши курашиш учун масъул шахслар ва бўлинмалар:

Жамият тизимида коррупцияга қарши курашиш бўйича самарали

тизимни йўлга қўйиш мақсадида, Жамиятда коррупцияга қарши курашишни шакллантириш ва назорат қилиш жараёни учун масъул бўлган алоҳида мустақил бўлим – Комплаенс-назорат бўлими ташкил этилган;

Комплаенс-назорат бўлими Жамиятда коррупцияга қарши курашиш бўйича вазифаларни амалга оширишда етарли даражада мустақилликка ва муҳим ресурсларга эга бўлиб, бевосита тўғридан-тўғри Жамият Бошқарув Раисига бўйсунди ва ўз фаолиятини Бошқарув Раиси томонидан тасдиқланган Комплаенс-назорат бўлими тўғрисидаги низомга мувофиқ амалга оширади.

Коррупцияга қарши курашиш бўйича фаолиятни амалга оширишда Жамиятнинг Персонални бошқариш бўлими Жамият тизимида манфаатлар тўқнашувини бошқариш тўғрисидаги низом ва Ўзбекистон Республикаси қонун ҳужжатлари нормаларига мувофиқ белгиланган тартибда ва ҳажмда ходимлар ҳамда алоқадор шахсларнинг яқин қариндошлари тўғрисидаги маълумотларни ўз вақтида ва тизимли йиғиш, таҳлил қилиш ва янгилаб бориш учун жавобгар бўлади;

Бундан ташқари, Жамият одоб-ахлоқ комиссияси, ходимлар ўртасида манфаатлар тўқнашуви тўғрисидаги Персонални бошқариш бўлимидан келиб тушган маълумотларни кўриб чиқади ва (манфаатлар тўқнашуви тартибга солинмаган тақдирда) уни ҳал қилиш бўйича қарор қабул қилади ёки аниқланган манфаатлар тўқнашувини тартибга солиш бўйича кўрилган чораларнинг етарлилиги ёхуд етарли эмаслиги тўғрисида қарор қабул қилади, шунингдек, Жамият томонидан белгиланган одоб-ахлоқ қоидаларига риоя қилиниши масалаларини кўриб чиқади. Манфаатлар тўқнашувини бошқариш доирасида Персонални бошқариш бўлими ва Одоб-ахлоқ комиссиялари (ёки шунга ўхшаш комиссиялар) Жамият тизимида манфаатлар тўқнашувини бошқариш тўғрисидаги низом асосида иш юритади.

г) коррупциявий хавф-хатарни аниқлаш ва баҳолаш:

Жамият функцияларининг хусусияти, ташкилий тузилмаси, жамият ва бошқа шахслар билан ўзаро фаолият олиб боришига ҳамда бошқа ички ва ташқи омилларга боғлиқ ҳолда ўз фаолиятига хос бўлган коррупциявий хавф-хатарларни аниқлайди ва баҳолайди;

коррупциявий хавф-хатарни аниқлаш ва баҳолаш доирасида Жамият фаолиятининг барча соҳалари коррупциявий хавф-хатарга кўпроқ учрайдиган функцияларни аниқлаш мақсадида таҳлил қилинади, уларда мавжуд бўлган коррупцияга қарши курашишни назорат қилишнинг барча шакллари ва тартиб-таомиллари аниқланган хавф-хатарларни камайтириш учун етарлилиги жиҳатидан таҳлил қилинади. Хавф-хатарларни аниқлаш ва баҳолаш жараёнида Жамиятнинг Комплаенс-назорат бўлимининг фаол кўллаб-қувватлаши ва назорати остида Жамиятнинг тегишли раҳбарлари, коррупцияга қарши курашишни мувофиқлаштирувчи шахслар иштирок этади;

д) аниқланган коррупциявий хавф-хатарни минималлаштирувчи

коррупцияга қарши курашиш чоралари:

Жамият таркибий бўлинмалари ўз фаолияти ва функцияларидаги коррупциявий хавф-хатарли йўналишларда умумий назорат муҳитини, шунингдек, коррупцияга қарши курашиш назорат ҳамда тартиб-таомилларни ўз ичига олувчи коррупцияга қарши курашишнинг комплекс тизимини жорий этадилар;

Жамият - коррупцияга қарши курашишни назорат қилиш ва тартиб-таомилларнинг самарадорлиги, жумладан, уларнинг аниқланган хавф-хатар даражасига мутаносиблиги, Жамият таркибий бўлинмалари ходимлари учун қатъийлиги ва аниқлиги, фуқаролик жамияти учун шаффофлигини таъминлашга интилади;

амалга ошириладиган тадбирлар, шунингдек, коррупцияга қарши курашиш бўйича назорат чоралари ва тартиб-таомиллар Жамиятнинг коррупцияга қарши курашиш бўйича дастури/режаси/йўл харитасида акс эттирилади ҳамда тегишли ички ҳужжатларда белгиланади.

е) ахборотлаштириш, коммуникация ва маслаҳат бериш:

коррупциявий хавф-хатарларни камайтириш ҳамда Жамиятнинг коррупцияга қарши курашиш тамойиллари ва талаблари ҳақида Жамиятнинг хабардорлигини ошириш мақсадида, мазкур Сиёсат ва Жамиятнинг коррупцияга қарши курашиш бўйича амалга оширилаётган чора-тадбирлари тўғрисидаги асосий маълумотлар Жамиятнинг Интернет тармоғидаги расмий веб сайтларига жойлаштирилади;

бундан ташқари, Жамият таркибий бўлинмалари коррупцияга қарши курашиш амалдаги қонун ҳужжатлари нормалари ва коррупцияга қарши курашиш жорий этилган тамойиллар ва талаблар ҳақида Жамият ходимлари ва бошқа манфаатдор шахсларни хабардор қилиш ва тушунтириш бўйича қуйидагилар орқали барча оқилона хатти-ҳаракатларни амалга оширади:

Жамият таркибий бўлинма ходимлари томонидан коррупцияга оид ҳуқуқбузарликлар содир этилганлиги гумонлар ёки фактлар, коррупциявий хавф-хатарлар ва бошқалар (коррупция фактлари ҳақида хабар берилиши мумкин бўлган усуллари тўғрисидаги батафсил маълумот мазкур Сиёсатнинг 8-бобида назарда тутилган) ҳақида хабар берилиши мумкин бўлган алоқа каналлари билан таъминлаш;

мазкур Сиёсат қоидаларини қўллаш ёки Жамиятнинг Комплаенс-назорат бўлими томонидан коррупцияга қарши курашиш чора-тадбирлари ва тартиб-таомилларни амалга ошириш билан боғлиқ саволлар келиб чиққанда, Жамият таркибий бўлинма ходимларига маслаҳатлар бериш;

Жамият таркибий бўлинма ходимларининг меҳнат шартномаларига коррупцияга қарши курашиш қоидаларини киритиш;

тасдиқланган режага мувофиқ коррупцияга қарши курашиш бўйича масъул шахс томонидан коррупцияга қарши курашиш хулқ-атвор юзасидан ташвиқотлар ўтказиш;

контрагентларни коррупцияга қарши курашиш бўйича қабул қилинган талаблар ва тамойиллар ҳақида, шу жумладан, улар билан тузиладиган шартномаларга коррупцияга қарши курашиш бўйича махсус шартларни киритиш тўғрисида хабардор қилиш ва ҳ.к.

ж) мониторинг, назорат ва ҳисобот:

Жамиятнинг Комплаенс-назорат бўлими Жамият тизимида коррупцияга қарши курашиш бўйича амалга оширилган чора-тадбирларнинг етарлилиги, мутаносиблиги ва самарадорлигини баҳолайди ҳамда доимий мониторингини олиб боради. Ўтказилган мониторинг натижалари бўйича Жамият тизимида коррупцияга қарши курашиш тизимини такомиллаштириш юзасидан тегишли чоралар кўрилади;

Жамиятда мониторинг ва назорат қилишнинг қуйидаги тартиб-таомиллари амалга оширилади:

Жамият таркибий бўлинмалари фаолияти ва функцияларидаги ўзгаришлар, уларнинг ташкилий-функционал тузилмасидаги ўзгаришлар ҳамда бошқа ички ва ташқи омилларнинг Жамиятда коррупцияга қарши курашиш тизимида таъсирини, мазкур тизимга ўзгартиш киритиш заруриятини таҳлил қилиш, шу жумладан, уни амалдаги қонунчилик талабларига мувофиқлигини таъминлаш;

тасдиқланган режага мувофиқ, самарасиз назорат ва тартиб-таомилларни аниқлаш учун уларни тўғрилаш ва коррупцияга қарши курашиш тизимининг ишончлилиги ва самарадорлигини таъминлаш мақсадида, танлов асосида Жамият тизимидаги функциялар ва ички жараёнларни мониторинг қилиш;

ички ва (ёки) ташқи текширувларни ўтказиш жараёнида Жамият таркибий бўлинмаларининг ходимлари томонидан коррупцияга қарши курашиш бўйича талаблар, тартиб ва қоидаларга қатъий риоя қилинишини назорат қилиш;

Жамиятнинг Комплаенс-назорат бўлимига юклатилган коррупцияга қарши чора-тадбирларнинг ўз вақтида ва тегишли тартибда амалга оширилиши устидан назорат олиб бориш ва ҳ.к.

Комплаенс-назорат бўлими томонидан амалга оширилган назорат қилиш ва мониторинг бўйича чора-тадбирлар натижалари Жамият тизимидаги таркибий бўлинма раҳбарларининг чораклик ҳисоботларида ўз аксини топади.

з) ҳуқуқбузарликларга нисбатан муносабат билдириш ва айбдор шахсларни жавобгарликка тортиш:

мазкур Сиёсатга амал қилиш ва Жамият тизимида коррупцияга қарши курашиш чора-тадбирларга риоя қилиш ҳар бир ходим учун ўз хизмат мажбуриятларини бажарилиши доирасида мажбурийдир. Ходимлар белгиланган талаб ва тартиб-таомилларнинг бузганлиги учун шахсан жавобгар ҳисобланадилар. Бундан ташқари, бевосита раҳбарлар ўз буйсунувидаги ходимлар томонидан коррупцияга оид ҳуқуқбузарликларни

содир этилганлиги учун шахсан жавобгар ҳисобланадилар;

коррупцияга қарши курашишга оид белгиланган талаблар ва тамойилларни бузган Жамият таркибий бўлинмалари ходимлари Ўзбекистон Республикаси қонунчилигида белгиланган тартибда ва асосларда интизомий, маъмурий ёки жиноий жавобгарликка тортиладилар;

ходимлар ва уларни коррупция билан боғлиқ ҳуқуқбузарликни содир этишга ундовчи шахсларнинг ҳар қандай мурожаатлари тўғрисида, шунингдек, бошқа ходимлар томонидан содир этилган коррупцияга оид ҳуқуқбузарликлар ҳақида, ўзига маълум бўлган ҳар қандай фактлар ҳақида ўз раҳбарларига ва Жамиятнинг Комплаенс-назорат бўлимига хабар беришлари шарт;

коррупцияга мутлақо тоқатсизлик тамойилини ҳисобга олган ҳолда, Жамият таркибий бўлинма ходимларининг коррупцияга оид ҳуқуқбузарлик содир этишлари билан боғлиқ ҳар қандай асосли шубҳа бўйича хизмат текширувлари Ўзбекистон Республикаси қонунчилиги талабларига мувофиқ ва ички ҳужжатларда белгиланган тартибда ўтказилади. Коррупцияга қарши курашиш тўғрисидаги қонун ҳужжатлари нормаларини ва (ёки) мазкур Сиёсат ва Жамиятнинг бошқа ички ҳужжатларида белгиланган коррупцияга қарши талаб ва тартиб- таомилларни бузган Жамият таркибий бўлинма ходимлари, уларнинг лавозими, хизмат муддати ва бошқа омиллардан қатъий назар Ўзбекистон Республикаси қонунчилигида ҳамда Жамиятнинг ички ҳужжатларида назарда тутилган доирада ва асосларда жавобгарликка тортиладилар;

коррупцияга оид ҳуқуқбузарлик аниқланган тақдирда, Жамиятнинг Комплаенс-назорат бўлими уларнинг содир этилиш сабаблари ва шарт-шароитларини таҳлил қилади ва доимий асосда коррупцияга қарши курашиш тизимини такомиллаштиради;

Жамият таркибий бўлинмалари коррупцияга оид ҳуқуқбузарликларни аниқлаш ва текшириш учун бошқа ҳуқуқни муҳофаза қилувчи органлар ва давлат органлари билан ҳамкорлик қиладилар.

7.3 Коррупцияга қарши курашиш хизмати Кузатув кенгаши таркибига бевосита ва мустақил кириш ҳуқуқига эга. Ягона акциядор ва Кузатув кенгаши таркиби билан ўзаро ҳамкорлик бевосита йиғилишлар, конференциялар ва электрон почта ёзишмалари орқали амалга оширилади.

7.4. Комплаенс ва коррупцияга қарши курашиш хизмати ваколатлари Комплаенс хизмати тўғрисидаги Низомда баён этилган.

8 КОРРУПЦИЯГА ҚАРШИ КУРАШИШНИНГ АСОСИЙ ЙЎНАЛИШЛАРИ

- **Манфаатлар тўқнашувини бошқариш**

8.1 Жамият ижроия аппарати ҳамд таркибий бўлинмалари ходимлари ўз хизмат мажбуриятларини бажариш ва (ёки) Жамият манфаатларини

ифодалаш доирасида виждонлилик ва ҳалоллик тамойилларига амал қилиши, шахсий манфаатларини ҳисобга олган ҳолда, ўзларининг хизмат мавқеидан ва (ёки) Жамият мол-мулкидан фойдаланмаслик ва манфаатлар тўқнашувига олиб келадиган вазиятлардан сақланишлари лозим.

8.2 Жамият таркибий бўлинмалари ходимлари ўзларининг хизмат мажбуриятларини лозим даражада ва ҳолис бажаришларига, жумладан, ҳолис қарор қабул қилишга, шунингдек, Жамият таркибий бўлинмаларининг ҳуқуқлари, қонуний манфаатлари, мол-мулки ва (ёки) нуфузига таъсир қиладиган ёки таъсир қилиши мумкин бўлган вазиятда манфаатлар тўқнашуви юзага келади.

8.3 Жамият тизимида ходимларни ишга қабул қилинишида, бошқа лавозимга ўтказилишида манфаатлар тўқнашувига олиб келадиган ёки олиб келиши мумкин бўлган шахсий манфаатдорлиги ҳақидаги маълумотларни ҳар йили ва тегишли вазиятлар/ҳолатлар юзага келишига қараб ошкор қилишга мажбурдирлар. Жамият таркибий бўлинмалари ходимлари томонидан манфаатлар тўқнашуви тўғрисидаги маълумотларни ошкор қилиш ва уни ҳал қилиш жараёни Жамият тизимида манфаатлар тўқнашувини бошқариш тўғрисидаги Низом билан тартибга солинади.

- **Совғалар ва иш жараёнида меҳмондўстлик белгилари**

8.4 Жамият таркибий бўлинмалари ходимларига ўз хизмат мажбуриятларини бажариш билан боғлиқ ҳолда жисмоний ва юридик шахслардан бирон-бир совға ёки иш жараёнида меҳмондўстликнинг белгилари, қарз, кафолатлар, кафилликлар, мукофотлар шаклида рағбатлантириш воситаларини, нақд пул маблағлари ёки уларнинг эквиваленти, қимматли қоғозлар кўринишида моддий ёрдам қабул қилиш тақиқланади.

8.5 Жамият таркибий бўлинмалари ходимлари томонидан расмий делегациялар таркибида, расмий тадбирларда, жумладан, хорижда олинган ҳар қандай совғалар суммасидан қатъий назар Жамиятнинг мулкига ўтказилади.

8.6 Жамият таркибий бўлинмалари ходимларига уларнинг шахси билан боғлиқ байрамлар (туғилган кун, боланинг туғилиши, Ватан ҳимоячилари куни, Халқаро хотин-қизлар куни)да берилган, хизмат мажбуриятларини бажариши билан боғлиқ бўлмаган совғалар ходимнинг шахси билан боғлиқ совғалар деб тан олинади.

Бундай совғаларни беришда қуйидаги талабларга риоя қилиш лозим:

- совғалар Жамиятнинг камида уч нафар ходимлари иштирокида берилиши;
- совға бериш жараёни табрик нутқи билан бирга бўлиши, унда совға беришга сабаб бўлган воқеа ўзининг аниқ ифодасини топган бўлиши;
- совғанинг умумий қиймати (барча солиқлар ва йиғимларни ҳисобга олган ҳолда) **5 (беш) базавий ҳисоблаш миқдоридан ошмаслиги;**

- Жамиятнинг битта ходими бошқа ходимга совға учун сарфлайдиган харажат суммаси, ҳар бир ҳолатда 1 (битта) базавий ҳисоблаш миқдордан ошмаслиги керак.

8.7 Шубҳалар пайдо бўлмаслиги учун бошқа давлат органлари ва ташкилотлари ходимлари, шериклар ва контрагентлар, ушбу Сиёсатнинг 8-боб, 8.5- ва 8.6-бандларида кўрсатилмаган бошқа жисмоний ва юридик шахслардан ҳар қандай байрам (туғилган кун, фарзанд туғилиши, Ватан ҳимоячилари куни, Халқаро хотин-қизлар куни ва ҳ.к.ни инобатга олган ҳолда, бироқ бу билан чекланмасдан) билан боғлиқ ҳолда олинадиган, ушбу Сиёсатнинг 8-боб, 8.4-бандида санаб ўтилган совғалар ва бошқа моддий бойликларни олиш тақиқланади.

8.8 Жамият номидан халқаро конференцияларда, симпозиумларда ва бошқа ишбилармонлик (хизматга оид) йиғилишларда совғалар бериш Жамият Бошқарув Раиси ёки йўналишлар бўйича раис ўринбосарларининг буйруғи билан амалга оширилади.

8.9 Совғани қабул қилишнинг қонунийлиги тўғрисида шубҳа туғилган ҳар қандай ҳолларда Жамият таркибий бўлинмалари ходими Жамиятнинг Комплаенс-назорат бўлимига маслаҳат сўраб мурожаат қилиши лозим.

• **Номзодларни танлаш, ходимларни лавозимдан лавозимга ўтказиш ва моддий рағбатлантириш**

8.10 Жамият тизимида ишга қабул қилинаётган номзодларни танлаш, уларни аттестациядан ўтказиш ва фаолиятини баҳолаш, шу жумладан, мукофот пулларини тўлаш, устама ҳақлар ва бошқа турдаги мукофотларни белгилаш жараёни барча ходимлар учун шаффоф, тенг ва холис бўлиб, ушбу Сиёсатнинг асосий тамойиллари ва талабларига мувофиқ келади.

8.11 Жамият таркибий бўлинмаларида уларнинг раҳбарлари, шунингдек, бошқарма, бўлим ва хизматлар бошлиқларини мукофотлашга асос бўлиб хизмат қиладиган, улар фаолиятининг асосий кўрсаткичларини баҳолаш тартиби ва мезонлари ишлаб чиқилган бўлиши лозим. Ушбу кўрсаткичлар холис, ошқора ҳамда Жамият таркибий бўлинмалари ходимлари томонидан кўриб чиқилиши мумкин.

• **Текширишларни ўтказиш ҳамда таркибий бўлинма ва ташкилотлари фаолиятини ўрганиш**

8.12 Турли хил текширишларни ўтказиш, Жамият таркибий бўлинмалари (кейинги ўринларда - “Ўрганиш объектлари”) фаолиятини ўрганишда Жамият таркибий бўлинмалари ходимлари:

- ✓ манфаатлар тўқнашувига йўл қўймаслиги;
- ✓ объектни ўрганиш жараёни бир ходим томонидан амалга оширилмаслиги;
- ✓ ўрганиш объекти вакилларининг етарли малакага эга бўлмаганидан

фойдаланиб, содир этилиши мумкин бўлган ҳуқуқбузарликларни сохталаштириш учун қонун ҳужжатлари нормаларини нотўғри талқин қилмаслиги, ўрганилаётган объект ходимларини, аниқланган фактларни ҳуқуқни муҳофаза қилувчи органларга тақдим этиш билан қўрқитмаслиги;

- ✓ ўрганилаётган объектнинг ходимларига таҳдид қилмаслиги;
- ✓ ўрганиш предметиға кирмайдиган масалалар билан қизиқмасликлари ва ҳужжатларни сўрамасликлари;
- ✓ ўрганиш давомида аниқланган ҳар бир ҳуқуқбузарлик ҳолатларига қонуний ва профессионал баҳо беришлари;
- ✓ агар ўрганиш объекти вакиллари ўрганиш гуруҳларига аниқланган қонунбузарликларни яшириш учун пора ва (ёки) бирон-бир моддий қимматлик ёки хизматларни таклиф қилса, ўрганиш гуруҳи раҳбарини дарҳол хабардор қилишлари;
- ✓ ўрганиш объекти вакиллариға ахлоқий ҳуқ-атвор тамойилларига мувофиқ ҳолис муносабатда бўлишлари шарт.

8.13 Хизмат мажбуриятиға таркибий бўлинмаларини ўрганиш вазифаси юклатилган, ўрганиш объектларида ўтказилган ўрганиш натижалари бўйича, ўрганиш гуруҳи томонидан қабул қилинган қарорлар юзасидан низолашиш учун апелляция инстанциялари ташкил этилади.

• **Контрагентлар ва учинчи шахслар билан ўзаро муносабатлар**

8.14 Жамият таркибий бўлинмалари контрагент билан ўзаро ҳамкорлигида:

эҳтимоли юқори бўлган контрагентнинг ишончлилигини, шу жумладан ўтмишда коррупциявий ҳуқуқбузарликларни содир этганлиги, Жамиятда давлат харидлари тўғрисидаги низомға мувофиқ ва Ўзбекистон Республикаси қонунчилиги нормалари доирасида Жамият тизими ходимлари билан манфаатлар тўқнашуви мавжуд эмаслигини текширадилар;

эҳтимоли юқори бўлган контрагентни (танлов, тендер ғолибини ва тўғридан-тўғри шартномалар бўйича харид контрагентини) ўзининг коррупцияға қарши тамойиллари ва талаблари ҳақида, улар билан тузиладиган шартномалар матниға коррупцияға қарши махсус шартларни қўшган ҳолда хабардор қиладилар.

8.15 Жамият таркибий бўлинмалари ушбу Сиёсатнинг тамойиллари ва талабларига зид бўлган ҳар қандай тўловлар ва (ёки) шу каби коррупциявий хавф-хатарларни келтириб чиқарувчи хатти-ҳаракатларни амалға ошириш учун маҳсулот етказиб берувчиларни, пудратчиларни ва бошқа учинчи томонларни жалб қилмайдилар.

8.16 Жамият таркибий бўлинмалари контрагентлар билан муносабатларда ўз фаолиятини амалға оширишида қонунийлик ва шаффофлик тамойилларига амал қиладилар. Жамият таркибий бўлинмалари танлашнинг ҳолис мезонларидан фойдаланишға асосланган, маҳсулот етказиб берувчилар,

пудратчилар ва бошқа контрагентларни танлаб олишнинг ҳаққоний, очиқ ва шаффоф жараёнини ҳамда Ўзбекистон Республикасининг амалдаги қонунчилиги ва сотиб олинадиган маҳсулотнинг Жамият тизимининг ички ҳужжатлари билан тартибга солинадиган баҳосини аниқлашнинг шаффоф тартибини таъминлайдилар.

- **Хайрия ва ҳомийлик фаолияти**

8.17 Жамият таркибий бўлинмалари қонунда назарда тутилган ҳолларда хайрия ва ҳомийликни қабул қилишлари мумкин. Бундай ёрдамни олган пайтда Жамиятда манфаатлар тўқнашувига йўл қўймаслик, маблағларни қонунда ва (ёки) шартномада белгиланган мақсадлар учун самарали сарфланишини таъминлаш, шунингдек Интернет тармоғидаги ўзининг расмий веб-сайтларида имкон қадар барча чораларни кўришлари мумкин.

- **“Сирли мижоз” тадбири**

8.18 Жамият таркибий бўлинмалари томонидан кўрсатилаётган хизматларнинг сифати ва тезлигини, шунингдек ҳаққоний ва очиқ танлов натижаларига кўра танлаб олинган мустақил компаниялар томонидан коррупциявий ҳуқуқбузарликлар содир этилишига мойиллигини аниқлаш учун хизматларнинг ҳақиқий олувчилари сифатида алоҳида назорат тадбирлари ўтказилади. Хизматларни кўрсатиш жараёнида мустақил компания бундай хизматларнинг сифати, муддатлари, шартларини, шунингдек, Жамият тизими ходимларининг белгиланган ахлоқ қоидаларига, шу жумладан ходимнинг пора олишга мойиллигини белгилаб боради.

8.19 Жамият таркибий бўлинмалари ўтказилган “сирли мижоз” тадбирлари тўғрисидаги ҳисоботларни кўриб чиқадиладар ва коррупция хавфи аниқланган тақдирда хизмат текшируви тайинлаш ҳақидаги ташаббус билан чиқадиладар.

- **Жамият таркибий бўлинмалари фаолиятини видеотасвирга олиш ва трансляция қилиш**

8.20 Жамият таркибий бўлинмаларида коррупция хавфи юқори бўлган фаолияти (хусусан, ходимлар билан суҳбат ўтказиш ва уларни синовдан ўтказиш, комиссия йиғилишлари, аттестация/билим синови жараёнлари ва бошқалар) видеотасвирга олиниб, улар ушбу бўлимда сақланиб борилади.

8.21 Айрим жараёнларни онлайн трансляциялари Жамиятнинг расмий веб-сайтида жойлаштирилади.

- **Ички ҳужжатларни коррупцияга қарши экспертизаси**

8.22 Ички ҳужжатларни ҳуқуқий экспертизадан ўтказишда ҳужжатларда коррупциявий ҳуқуқбузарликлар содир этилишига имкон яратадиган коррупциявий омиллар келиб чиқишини олдини олиш, аниқлаш ва истисно қилиш мақсадида ҳам экспертиза ўтказилади.

- **Жамият таркибий бўлинмалари ходимларига маслаҳат бериш**

8.23 Жамият таркибий бўлинмалари ходимларида коррупцияга қарши

амалдаги қонун ҳужжатлари талаблари, ушбу Сиёсат қоидалари ёки Жамият таркибий бўлинмаларида коррупцияга қарши бошқа чора-тадбирлар ва тартиб-таомиллар билан боғлиқ бўлган ҳар қандай саволлар бўлса, улар Жамиятнинг Комплаенс-назорат бўлимига мурожаат қилишлари мумкин.

9 КОРРУПЦИЯВИЙ ҲУҚУҚБУЗАРЛИКЛАР ТЎҒРИСИДА ХАБАР БЕРИШ

9.1 Жамият таркибий бўлинмалари ходимлари ва бошқа шахслар, агар улар Жамият тизими ходимлари хатти-ҳаракатларининг қонунийлиги ва (ёки) одоб-ахлоққа мувофиқлиги тўғрисида шубҳа туғилса, коррупция ва бошқа ҳуқуқбузарлик ҳолатлари содир этилишига гумон ёки содир этилганлиги фактлари бўлса, улар бу ҳақда Жамиятнинг фойдаланиш мумкин бўлган алоқа тизимлари орқали хабар беришлари мумкин.

9.2 Жамият таркибий бўлинмалари ўз ваколатлари ва мавжуд имкониятлари доирасида ҳуқуқбузарлик тўғрисида ишончли маълумот берган шахснинг махфийлигини таъминлайдилар (қонунчиликда назарда тутилган ҳоллар бундан мустасно).

9.3 Жамият таркибий бўлинмалари ўз ходимларининг манфаатларини ҳимоя қиладилар ва қасос олишга қаратилган ҳаракатларга, шу жумладан ишдан бўшатиш, лавозимни пасайтириш, камситиш, босим ўтказиш, Жамият тизимининг бошқа ходимларини шубҳали ҳаракатлари ёки улар томонидан ушбу Сиёсатнинг коррупцияга қарши талабларини бузиш эҳтимоли ҳақида хабар берган шахсларни таъқиб қилинишига йўл қўймаслигини кафолатлайдилар.

Сиёсат коррупцион фактлар ҳақида хабар берган ходимларга **босим ўтказишни, репрессив усулларни қўллашни ёки уларнинг коррупция ёхуд унга ёрдам берувчи шароитлар тўғрисидаги шубҳаларини қатъиян ман этади.**

9.4 Коррупцияга оид ҳуқуқбузарликлар тўғрисидаги хабарларни қуйидаги алоқа тизимлари орқали бериш мумкин:

Жамиятнинг Ишонч телефон рақами “(55) 506-05-06”, ички рақами “210”;

Жамиятнинг Комплаенс-назорат бўлими ходимининг телефон рақами: бош мутахассис – (98) 300-14-00.

Жамиятнинг Комплаенс-назорат бўлими электрон почта манзили <anticorruption_compliance@uzgastrade.uz>;

Жамиятнинг Коррупцияга қарши @UzgastradeAnticorruptionBot> telegram канали;

Жамиятнинг Коррупцияга қарши <www.facebook.com/UzgastradeAnticorruption> facebook саҳифаси;

тўғридан-тўғри ҳуқуқни муҳофаза қилиш органларига.

9.5 Жамият тизимининг алоқа тизимларига келиб тушган барча

хабарлар Ўзбекистон Республикаси қонун ҳужжатлари ва Жамиятнинг ички ҳужжатларига мувофиқ ҳолис тарзда ва ўз вақтида кўриб чиқилади.

9.6 Жамиятнинг расмий <www.uzgastrade.uz> веб-сайти (“Коррупцияга чек қўйиш тўғрисида хабар бер” интерактив тугмачаси) орқали юборилган хабарлар ҳам кўриб чиқиш учун қабул қилинади. Ўз номини ошкор қилинмаслигини истаган ариза берувчи бундай ҳолатда қуйидагиларни тан олади:

Жамият хабарга жавоб бериш учун мурожаат этувчи шахс билан боғлана олмайди;

Жамият зарур қўшимча маълумотларни олишнинг имконияти йўқлиги сабабли, хабарни тўлиқ ва ҳар томонлама текширишни амалга ошира олмайди.

9.7 Жамият таркибий бўлинмалари томонидан келиб тушган хабарга жавоб бериш учун мурожаат этувчи шахс билан қуйидаги ҳолатларда боғланилмайди:

тўлиқ ва кенг қамровли текшириш ўтказиш учун зарур бўлган қўшимча маълумотларнинг йўқлиги;

Жамият таркибий бўлинмалари ходими томонидан қасддан ёлғон маълумотни тақдим этиши, ушбу Сиёсатни бузилиши ва ахлоқсиз ҳуқуқ-атворнинг намунаси сифатида қаралса, бундай шахслар Ўзбекистон Республикаси қонун ҳужжатларига ва Жамиятнинг ички ҳужжатларига мувофиқ жавобгарликка тортилиши мумкин.

9.8 Жамият тизимида коррупция фактлари тўғрисида виждонан хабар берган Жамият ходимлари, агар бу маълумотлар тасдиқланган бўлса, ички ҳужжатларга мувофиқ рағбатлантирилиши мумкин.

Жамият ўз шубҳалари, фактлар, коррупцион ҳаракатларни содир этиш шартлари тўғрисидаги шубҳалар ҳақидаги **махфий маълумотларни рағбатлантиради.**

9.9 Барча алоқа каналларининг ишлаши ва олинган хабарларни қайта ишлаш/кўриб чиқиш тартиби тўғрисидаги батафсил маълумот Жамиятнинг ички ҳужжатларида акс этган.

10 ҚАЙТА КЎРИБ ЧИҚИШ ВА ЎЗГАРТИШЛАР КИРИТИШ ТАРТИБИ

10.1 Мазкур Сиёсат Жамият Кузатув кенгашининг қарори билан тасдиқланади ва амалга киритилади ҳамда доимий амал қилувчи ички норматив ҳужжат ҳисобланади.

10.2 Сиёсатни қайта кўриб чиқиш ва тузатиш киритиш қуйидаги ҳолларда амалга оширилади:

коррупцияга қарши курашиш амалдаги Сиёсат ва тартиб-таомилларни қайта кўриб чиқиш заруратини келтириб чиқарадиган ҳолда коррупцияга қарши курашиш соҳасида Ўзбекистон Республикасининг қонунчилиги

ўзгарганда;

коррупцияга қарши курашиш самарасиз назорат ва тартиб-таомиллар аниқланганда ва Жамият таркибий бўлинмалари фаолиятида коррупцияни олдини олиш ва унга қарши курашишга қаратилган чора-тадбирларни такомиллаштиришга зарурат туғилганда;

Жамият тизимининг ташкилий тузилмаси ва (ёки) Жамият таркибий бўлинмалари томонидан ўз вазифаларини бажариши хусусиятлари ва бошқалар ўзгарганда.

11. САҚЛАШ

Ушбу ҳужжат DOC-форматидаги (Word ҳужжати) электрон версияси Комплаенс-назорат бўлими бошлиғининг шахсий компютерида сақланади.

Сиёсат ташкилот веб-сайтида жойлаштирилган ва манфаатдор томонлар учун очиқ ҳолда мавжуд.

Ушбу ҳужжатнинг босма асл нусхаси Комплаенс-назорат бўлимида сақланади.

“UzGasTrade” акциядорлик жамияти таркибий бўлинмаларида фойдаланиш учун ҳужжатни тарқатиш унинг нусхасини PDF-форматида босиб чиқариш ва ўзгартиш киритишдан ҳимояланган ҳолда юбориш орқали амалга оширилади.